

KONKURS za dodjelu stipendija u školskoj/akademskoj 2020/21. godini

I

Na osnovu člana 17. Statuta Fonda "Bošnjaci" i Pravilnika o dodjeli stipendija učenicima i studentima u Bosni i Hercegovini, Upravni odbor Fonda je donio Odluku o dodjeli **71 (sedamdeset jedne) stipendije** za školsku/akademsku 2020/21. godinu, i to:

1. 55 (pedeset pet) stipendija studentima na javnim visokoškolskim ustanovama, od čega:

- a) **32 stipendije** redovnim studentima prvog ciklusa studija;
- b) **20 stipendija** redovnim studentima drugog ciklusa studija i
- c) **3 stipendije** studentima Fakulteta islamskih nauka u Sarajevu na prvom ili drugom ciklusu studija (po prijedlogu FIN-a).

2. 16 (šesnaest) stipendija učenicima srednjih škola (po prijedlogu škola):

- a) Prva bošnjačka gimnazija u Sarajevu 5 stipendija;
- b) Gazi Husrev-begova medresa u Sarajevu 5 stipendija;
- c) Elči Ibrahim-pašina medresa u Travniku 1 stipendiju;
- d) Behram-begova medresa u Tuzli 1 stipendiju;
- e) Karađoz-begova medresa u Mostaru 1 stipendiju;
- f) Medresa "Osman ef. Redžović" u Visokom 1 stipendiju;
- g) Medresa "Džemaludin ef. Čaušević" u Cazinu 1 stipendiju;
- h) Medresa "Reis Ibrahim ef. Maglajlić" u Banjoj Luci 1 stipendiju.

II

Stipendije se dodjeljuju za školsku/akademsku 2020/21. godinu počevši od 01. septembra 2020. zaključno sa 30. junom 2021. godine, odnosno 10 stipendija u mjesečnim iznosima od po:

- a) 120,00 KM za učenike srednjih škola,
- b) 150,00 KM za studente prvog ciklusa studija,
- c) 170,00 KM za studente prvog i drugog ciklusa studija sa prosječnom ocjenom 10,00 i
- d) 170,00 KM za studente drugog ciklusa studija.

Jedna stipendija iz člana I, stav 1. pod a) dodijelit će se, u skladu sa željom stipenditora dr. Admira Grelje, bivšeg stipendiste Fonda "Bošnjaci", izvrsnom studentu iz oblasti prirodnih ili tehničkih nauka na prvom ciklusu studija, u iznosu od 170,00 KM mjesečno u trajanju od 12 mjeseci.

Jedna stipendija iz člana I, stav 1. pod a) dodijelit će se, u skladu sa prijedlogom stipenditora firme Lampa studio d.o.o. Sarajevo, vlasnika Emira Agića, bivšeg stipendiste Fonda "Bošnjaci", studentu na prvom ciklusu studija, u iznosu od 150,00 KM mjesečno u trajanju od 10 mjeseci.

III

Opći kriteriji za dodjelu stipendija:

- a) da je kandidat državljanin Bosne i Hercegovine,
- b) da ima prebivalište na teritoriji Bosne i Hercegovine,
- c) da je redovan učenik Prve bošnjačke gimnazije ili jedne od medresa u Bosni i Hercegovini,
- d) da je redovan student na jednoj od javnih visokoškolskih ustanova u Bosni i Hercegovini,
- e) da nije i da neće biti korisnik stipendije, kredita ili drugog oblika novčane naknade koja ima obilježje stipendije od nekog drugog pravnog ili fizičkog lica,
- f) da na dan objavljivanja konkursa nije stariji od 19 odnosno 25 godina života i
- g) da kandidat ispunjava opće uslove iz Vakufname.

IV

Posebni kriteriji za dodjelu stipendija:

- a) da je učenik odnosno student prve godine studija u prethodnoj školskoj godini ostvario **prosjek ocjena najmanje 4,50**,
- b) da je student na prvom ciklusu studija u prethodnoj akademskoj godini ostvario **prosjek ocjena najmanje 8,00**,
- c) da je student na drugom ciklusu studija u završnoj godini prvog ciklusa, odnosno prvoj godini drugog ciklusa studija ostvario **prosjek ocjena najmanje 9,00**,
- d) ostvareni posebni rezultati na kantonalnim, entitetskim, državnim ili međunarodnim takmičenjima iz predmeta matematika, fizika, informatika i strani jezici u prethodnoj školskoj/akademskoj godini u organizaciji ili posredstvom nadležnog ministarstva obrazovanja,
- e) položeni hifz pred Komisijom Rijasetu IZ-e u BiH,
- f) da niko od članova uže porodice nije korisnik stipendije Fonda "Bošnjaci",
- g) da kandidat nema status apsolventa,
- h) da nije u radnom odnosu i
- i) da ne obnavlja godinu.

V

Sastavni dio konkursa je **sistem bodovanja kandidata (Obrazac: SBFB-1)** na osnovu kojeg je kandidat dužan sam sebe izbodovati na **zahtjevu za dodjelu stipendije (Obrazac: ZFB-1)**.

Sistem bodovanja i zahtjev za dodjelu stipendije mogu se preuzeti na internet stranici **www.fondbosnjaci.co.ba** ili u sjedištu Fonda.

VI

Komisija za utvrđivanje prijedloga kandidata za dodjelu stipendija utvrđuje blagovremenost dostavljenih zahtjeva, kompletnost i validnost dokumentacije, ispunjavanje općih i posebnih kriterija propisanih konkursom, vrši provjeru samostalnog bodovanja kandidata i dr.

Tokom obrade podnesenih prijava komisija može od kandidata ili nadležnih organa zatražiti dodatnu dokumentaciju i pojašnjenja.

VII

Komisija će utvrditi broj bodova za svakog kandidata pojedinačno na osnovu:

- a) postignutih rezultata u učenju, takmičenjima i položenom hifzu,
- b) prosječnih primanja po članu domaćinstva, socijalnog statusa kandidata i njegove porodice,
- c) broja učenika/studenata u porodici i
- d) dosadašnjeg korištenja stipendije (pravo na bodove ostvaruju dosadašnji stipendisti ovisno o stepenu ispunjenja obaveza iz člana 5. Ugovora o stipendiranju).

Za studente prve godine studija prosjek ocjena se uzima iz završnog razreda srednje škole, a za učenike prvog razreda srednje škole iz završnog razreda osnovne škole.

Za studente prve godine drugog ciklusa studija prosjek ocjena se uzima iz završne godine prvog ciklusa studija.

VIII

U slučaju da dva ili više prijavljenih kandidata imaju isti broj bodova, prednost imaju:

- a) kandidati sa većim brojem bodova po osnovu prosjeka ocjena,
- b) kandidati na višim godinama studija i
- c) dosadašnji stipendisti Fonda "Bošnjaci".

IX

Kao dokaze za ispunjavanje kriterija kandidati za dodjelu stipendija uz zahtjev prilažu originalna dokumenta ili ovjerene fotokopije koje nisu starije od šest mjeseci.

1. Opća dokumentacija:

- a) uvjerenje o državljanstvu,
- b) uvjerenje o stalnom mjestu prebivališta, izdato nakon objavljivanja konkursa,
- c) uvjerenje o redovnom upisu u tekuću školsku/akademsku godinu,
- d) pismenu izjavu da kandidat nije i da neće biti korisnik stipendije, kredita ili drugog oblika novčane naknade koja ima obilježje stipendije od nekog drugog pravnog ili fizičkog lica u tekućoj školskoj/akademskej godini, ukoliko ostvari pravo na stipendiju Fonda "Bošnjaci" i
- e) pismenu izjavu kojom se, u skladu sa Zakonom o izmjenama i dopunama Zakona o zaštiti ličnih podataka ("Sl. glasnik BiH" broj: 76/11), daje saglasnost Fondu "Bošnjaci" za objavu ličnih podataka prilikom objave rang liste, odnosno rezultata konkursa i dr. na web i facebook stranici Fonda i drugim sredstvima javnog informiranja.

2. Dokumentacija koja se buduće:

- a) uvjerenje o položenim ispitima iz prethodne školske/akademske godine s izračunatim prosjekom ocjena na dvije decimale,
- b) studenti prve godine studija prilažu ovjerenu fotokopiju svjedodžbe završnog razreda srednje škole kao i odgovarajući dokaz ukoliko su dobitnici priznanja Učenik ili Ponos generacije,
- c) studenti prve godine drugog ciklusa studija prilažu ovjerenu fotokopiju uvjerenja o položenim ispitima iz završne godine prvog ciklusa studija s izračunatim prosjekom ocjena na dvije decimale;
- d) dokaz za osvojeno prvo, drugo ili treće mjesto na kantonalnom, regionalnom, entitetskom, državnom ili međunarodnom takmičenju iz predmeta matematika, fizika, informatika i strani jezici u prethodnoj školskoj/akademskej godini u organizaciji ili posredstvom nadležnog ministarstva obrazovanja,
- e) diplomu Rijaseta Islamske zajednice u Bosni i Hercegovini o položenom hifzu,
- f) kućnu listu,
- g) dokaze o ukupnim mjesečnim prihodima/primanjima za punoljetne članove porodičnog domaćinstva (izuzev onih koji imaju status redovnog učenika ili studenta) po osnovu: radnog odnosa, penzije, samostalne djelatnosti, boračko-invalidske zaštite i drugih osnova (za uposlene isključivo platna lista za posljednji mjesec, iz koje se vide stvarna primanja, za penzionere ček od penzije za posljednji mjesec, čekovi od IMO i LIMO, za nezaposlene članove domaćinstva uvjerenje Zavoda za zapošljavanje, a ukoliko se ne vode na Zavodu za zapošljavanje dostaviti uvjerenje iz poslovnice PIO/MIO da se ne vodi kao osigurano lice po osnovu radnog odnosa ili ovjerena fotokopija zdravstvene knjižice iz koje se mogu vidjeti podaci o osiguranom licu, osnovu osiguranja i srodstvu sa osiguranikom, za članove domaćinstva mlađe od šest godina starosti izvod iz matične knjige rođenih),
- h) dokaze da punoljetni članovi porodičnog domaćinstva (izuzev onih koji imaju status redovnog učenika ili studenta) imaju ili nemaju samostalnu privrednu djelatnost (uvjerenje Porezne uprave ili drugog nadležnog organa na osnovu kojeg se vidi da li se vode ili ne vode u registru poreznih obveznika kao poduzetnici, odnosno da li su ili nisu prijavljeni u jedinstveni sistem za registraciju, kontrolu i naplatu doprinosa kao obveznici po bilo kom osnovu s iskazanim mjesečnim odnosno godišnjim prihodima),

- i) dokaze za roditelje: dijete šehida, bez jednog ili oba roditelja (izvod iz matične knjige umrlih), dokaz o učešću u odbrambeno-oslobodilačkom ratu tokom oružane agresije na RBiH (najmanje 24 mjeseca), dokaz o invaliditetu roditelja (preko 60% odnosno 80%),
- j) dokaz o ličnom invaliditetu kandidata za dodjelu stipendije (preko 60%) i
- k) dokaze o redovnom školovanju učenika odnosno studenata u porodici.

X

Redovni studenti prvog i drugog ciklusa studija **sa prosječnom ocjenom 10,00** ostvaruju bezuslovno pravo na stipendiju ukoliko ispunjavaju opće kriterije navedene u članu III konkursa.

Kandidati sa prosječnom ocjenom 10,00 dužni su uz zahtjev dostaviti samo opću dokumentaciju iz člana IX i uvjerenje o položenim ispitima iz prethodne akademske godine.

XI

Krajnji rok za dostavu zahtjeva je **02. novembar 2020. godine**.

Neblagovremene i nepotpune zahtjeve Komisija neće uzimati u razmatranje.

Dokumentacija kandidata ne podliježe vraćanju.

XII

Rezultati konkursa će biti objavljeni **u drugoj polovini novembra 2020. godine** na web i facebook stranici Fonda "Bošnjaci" i web portalu Islamske zajednice u Bosni i Hercegovini sa pravom žalbe Upravnom odboru Fonda u roku od **3 dana** od dana objave preliminarnih rezultata.

XIII

S dobitnicima stipendije Fond "Bošnjaci" će zaključiti ugovor o stipendiranju za tekuću školsku/akademsku godinu kojim će se regulisati međusobna prava i obaveze.

XIV

Fond "Bošnjaci" će jednostrano raskinuti ugovor o stipendiranju ukoliko se ustanovi:

- a) da stipendista prima stipendiju, kredit ili drugi oblik novčane naknade koja ima obilježje stipendije od nekog drugog pravnog ili fizičkog lica,
- b) da je stipendista ostvario pravo na stipendiju na bazi netačnih odnosno neistinitih podataka,
- c) da je napustio redovno školovanje ili izgubio pravo na njega i
- d) da se bez opravdanog razloga ne odaziva na pozive za učešće u realizaciji planiranih aktivnosti Fonda "Bošnjaci".

U slučaju jednostranog raskida ugovora o stipendiranju od strane Fonda "Bošnjaci", **stipendista je dužan u cijelosti vratiti primljene stipendije uz trajno gubljenje prava na stipendiju Fonda "Bošnjaci".**

Zahtjev za dodjelu stipendije sa potrebnom dokumentacijom dostaviti putem pošte ili lično na adresu:

FOND "BOŠNJACI"

Ul. Džemala Bijedića br. 17

71000 Sarajevo



DIREKTOR

Šahin Kerla
Šahin Kerla, prof.